

Навоий вилоятидаги 4 та кўприк тўла таъмирланди



Автомобиль йўллари давлат кўмитаси тизимидаги "Умумий фойдаланишдаги автомобиль йўллари куриш ва реконструкция қилиш дирекцияси" ДУК буюртмачилигида – Навоий вилоятидаги 4 та кўприк реконструкция қилиниб, тўла таъмирдан чиқарилди.

Таъмирланган кўприклардан бири – вилоятнинг Нурота туманидаги "Янгибод" ва "Чўя" қишлоқларини боғловчи сой устидаги, 4Н380 автомобиль йўлининг 29,4-километрида жойлашган, узунлиги 36 п/м ва эни 12 метр бўлган кўприкдир.



4К 387 "Тошрабат қ – Ғамхўр қ." автомобиль йўлининг 8-километрида реконструкция қилинган, узунлиги 18 п/м, эни 13 метрни ташкил қилган яна бир кўприк эса – Навоий вилоятининг Қизилтепа ва Бухоро вилоятининг Ғиждувон туманлари худудини боғлайди.

Навбатдаги – 4Н374В автомобиль йўлининг 5-километридаги кўприк ҳам реконструкция қилинди. Мазкур кўприкнинг узунлиги 12 п/м, эни 10 метр, кўприкка кириш-чиқиш йўллари эса 40 метрни ташкил қилади.



Хатирчи тумани Зартепа қишлоғидаги "Аччисағоноқсой" қирғоқлари ёғингарчилик пайтида, сел келиши оқибатида кенгайиб кетган, шу сабабли сой устидаги кўприк таъмирталаб ҳолатга келиб қолган эди. 4К372а автомобиль йўлининг 1,2-километридаги ушбу кўприкда ҳам тўла таъмирлаш ишлари амалга оширилди. Натижада кўприк узунлиги 12 п/м дан 15 п/мга узайтирилди ҳамда тўлиқ қайта қурилди.



Бугунги кунда бу кўприкларнинг барчаси ҳайдовчи ва йўловчилар қатновида беминнат хизмат қилмоқда.

Автомобиль йўллари давлат кўмитаси

матбуот хизмати